

國朝先正事略

一
函六冊

國朝先正事畧卷九 名臣

平江李元度次青纂

姚熙之尙書事畧

姚公啟聖字熙之一字憂庵浙江會稽人生而倜儻以豪聞少客松江趙太守所午睡大鼾僮僕竊窺之則雕虎也甫冠以諸生遊通州得權知州事杖土豪殺之尋棄官去遊蕭山遇健兒掠二女子行其父隨之哭牽持洶洶公怒奪佩刀殺二健兒縱翁與女子去亡命隸漢軍鑲紅旗

聖祖登極公以布衣上疏請八旗開科遂舉康熙二年鄉試第一知香山縣事歲比不登前令坐負課繫獄者七人公嘆曰明

年增吾爲八矣。乃張樂置酒。出七人于獄。痛飲之。爲治裝遣歸。而通牒大府曰。七令名下應追金十七萬。已于某月日收庫。訖大吏疑公巨富。代償帑行善。不知公故寒士。實未辦作何償也。時澳門賊霍侶成猖獗。督撫不能制。公以計擒之。論功當土賞。督撫忌之。反誣公通海。將置之死。公夜見平南王。尙可喜。訴之。可喜疏陳其枉。督撫皆以是自殺。而公亦削官。時年五十矣。居亡何。吳三桂反。尙之信耿精忠。應之。而精忠且約鄭錦同反。錦者成功之子。據臺灣者也。臺灣自古不通中國。明末鄭芝龍居之。順治丙戌。降于朝。其子成功不從。率所部據廈門金門二島。己亥。大舉窺江南。敗去。始定臺灣爲巢穴。壬寅。成功死。其將

施琅、黃梧等來降。錦遁台灣二島。平及精思反。乞師于鄭氏。錦亟渡海而西。精忠部將劉國軒等皆附錦。遂取泉州及潮州。次年取漳州。精忠大惧。明年三桂令之信。割惠州賂錦。錦復取汀州。勢大振。當是時。

天子命康親王傑書南征。公以家財募兵。率長子儀赴軍前。效力。先命其友吳興祚說王。王與語大悅。命攻諸暨。進擊紫狼山。賊破之。又敗賊于楓橋。遂以公權知諸暨縣。又斬賊渠朱得福。招撫數千人。超擢溫處道僉事。精忠以重兵踞石塘。阻我入閩之隘。公偕諸將攻拔之。奪楊梅岡。乘勝取雲和縣。又擒賊將曾養性于溫州。時精忠已爲浙督李公之芳所困。且震于鄭氏汀。

州之逼會大兵已奪仙霞關。公爲前鋒。乃遣使說之。降精忠。猶
豫。公單騎入其營。說之精忠。饗公公劇飲。健啖。指畫伉爽。精忠
曰。此李抱真之流也。必不欺我。遂降。論功擢福建布政使。精忠
之降也。諸將多畏罪歸。錦乘虛盡取興化邵武。而三桂驍將
韓大任號小淮陰。自吉安突圍出。由贛入汀。將與錦合。公復單
騎說之。降簡其兵得死士三千。養爲親卒。汀州平。十六年公復
使大任說潮州守將劉進忠。進忠亦降。賊棄惠州走。于是邵武
興化漳泉皆復。公曰。二島未平。未能高枕臥也。十七年錦大舉
入犯。公以所部敗之于壁垆。亡何嗣海澄公黃芳世都督伯穆
黑林遇賊。濟腰敗。副都統胡克邀賊鎮北山。又敗。提督段應舉

自祖山敗奔海澄。劉國軒取平和。遂乘勝圍海澄。于是

天子震怒。將逮督臣郎廷相。諭康親王求可代者。王及將軍

以下。合辭薦公。遂總督福建。且命節制諸軍。急援海澄。而以

按察使吳公興祚爲巡撫。助公會海澄。以食盡陷。失官兵三萬

有奇。國軒取漳平。長泰。同安。及南安。惠安。安溪。永春。德化。諸縣。

圍泉州。號稱十萬。公分兵救泉。密疏陳方略。

上降聖書。褒勞。且諭閣臣曰。閩督今得人。賊且平矣。公令平

南將軍賴塔。輕兵抄其饒道。復漳平。總兵林賢等敗賊水軍于

定海。國軒乃解泉州圍。併力攻漳州。大會二十八鎮兵。爲十九

寨。請與大軍決戰于龍虎蜈蚣二山間。時漳城兵止八千。公五

國月主事

三

撤泉州兵不至諸將欲棄城走精忠悔其降大慟公曰賊恃勝而驕謂我不能軍也請不戰以懈之而出奇以破之平海在此役矣命閉城門韜弓臥鼓一日天大霧公吹筆築者三壯士鐘寶張黑子等突出埒長矛先登前軍接戰不利公自率精兵繼之賴塔以後軍夾擊國軒敗前軍還攻之自辰至酉連破十六營斬其將鄭英劉正璽吳潛等生擒千二百有奇斬首數萬溺死者萬計國軒泗水奔海澄公復長泰同安進攻海澄海澄者濱海地也峻而險賊築塹高救火排列艨艟與廈門金門海壇相首尾堅不可猝拔乃請復設水師提督開修來館于漳州凡言自鄭氏來者皆盛供帳金帛恣所求即亡去不問謀至不殺

且厚款之。謀反以情告。戰有日矣。或填館舍。飭供具。大書某鎮某官公館。聲言某月日某將當來降賊。以此互猜。甚且疑而相殺。十八年三桂死。錦五鎮大將黃端、廖璵、賴祖、金福、廖興各以所部降。鄭奇烈、林翰等繼之。鄭氏勢益孤。公簡降卒爲水師。驟增二萬人。乃令巡撫吳公與水師提督萬正色進攻二島。明年正月。賊將朱天貴以戈船降。遂復海壇。公待天貴厚。竟用其兵。盡破十九寨。國軒棄海澄入廈門。復棄金夏歸台。警閩疆既定。吏兵部列上公功。應加者四百餘級。

聖祖晉公太子少保。兵部尙書。世襲輕車都尉。公子儀授總兵。世襲騎都尉。先是濱海居民輸賦外。又私餉成功。以求免劫掠。

當事遂定沿海之界而內遷其民越者死民多蕩析離居滿兵復奴其老稚箠楚不忍聞公任總督力與驕兵悍將相持屢奏禁兵不服水土宜撤歸又奏康王体尊不宜久暴露宜先頒師疏三上天子許可兵歸者猶驅子女北行公涕泣啟王令軍中敢私攜良民者死而私傾家財贖之凡捐金二十方兩贖難民二萬餘人又請開海界復民業聽降卒墾荒兼收魚鹽蜆蛤利而分屯列戍以衛之詔遣侍郎某來勘不敢主議公力任之乃報可閩人皆肖像祀焉方施琅之內附也世祖用爲水師提督成功死施頗以平台自任既而不克或疑其貳召入京不復用公爲布政使嘗疏薦之不報至是請改

正色陸路仍以水師任施且曰臣願以百口保琅父奏鄭錫死
于少國內亂時不可失

聖祖乃遣琅與公同進兵琅至密疏請以公駐廈門而獨任進
師時公已出海見疏不懌自陳請行詔公還廈門二十一年
夏施公請乘南風攻澎湖公欲待北風直趨臺灣彼此見不合
師不果出明年六月施公竟以師行會颶風與潮俱發前鋒爲
急流飄散國軒以精兵二萬出牛心灣別將出雞籠峽夾攻矢
集施公曰幾失利忽天雨颶風止公所約賊將呂翰等聞使適
至施復進澎湖翼日大戰朱天貴先進水驟長一丈舟並行如
鳥張翼而上國軒掀案起哭曰天也夫何言遂自吼門遁台灣

初鄭克塽有降意而僞行人傳霖反復爲奸。公以計主之。又遣漳浦黃性震招國軒曾密報書未遽降也。至是性震故洩之主。臣互相猜。眾莫爲用。大兵遂自鹿耳門入。八月癸亥克塽以台灣降。自康熙十三年用兵至二十二年福建平時北風正利。施由海道奏捷。七日抵京師。公由驛馳報。後施二日。聖祖得施疏大喜。策勲在平瀛諸將上。封施公靖海侯。將以次及公。公自陳無功。乃召掌中樞。是年十有一月疽發背薨。年六十。論者謂戰功雖首施。公然實公所疏薦。至平日運籌設間攻賊。心公之力尤獨多云。公身長七尺。廣額修髯。目閃閃如巖下電。手勒奔馬。用弓至二十石。麾下所養奇才劍客皆能得其

死力臨陣應變如神而性慈不妄殺戮生平慷慨仗義揮金如
泥沙尤恤文人各屬皆置學田培寒畯喪歸軍民哭送者數萬
當芝龍起事時廈門有石文云生女滅雞十億相倚解者謂十
億兆也加女姚也鄭從酉雞也滅雞滅鄭也鄭氏初据海上公
如生傳四世六十年而爲公威公平廈門之歲紀矣直三致山
異僧治之曰天生公以靖閩疆也今事尙有待疾不足憂果應
手愈台濟旣定疽復發曰全閩底定公疾不可爲矣六八何天
絕有力不第能舉白公奇之娶焉是生長子儀雄偉直公將富
驅騶馬駕奔車自後掣之馬前卻不自由挽強弓百步外可洞
四札每戰閩人望見前鋒曰此姚公子旗也以功授知縣擢刑

部郎出知開封府

詔以京堂用自請效力從改總兵終雲

南鶴慶總兵官公所著有憂畏軒遺集

宋牧仲尚書事畧字至

宋公名榮字牧仲號漫堂河南商邱人大學士文康公權子也
少從賈靜子侯朝宗遊立雪閉六子社順治四年公年十四應
詔以大臣子弟列侍衛考試優等康熙三年授黃州通判十六
年補理藩院判遷員外郎出樞翰閣遷郎中二十二年授通永
道二十六年擢山東按察使尋遷江蘇布政使明年擢江西巡
撫會湖廣裁缺兵夏逢龍作亂陷二十餘城羽檄十四五至人
心惶惑公行抵彭澤適江西兵調赴湖廣勦叛卒次九江以乏
餉譁公檄發湖口縣庫銀千兩遣官賁給眾兵乃前進及抵南
昌市數口舊裁督標兵李美玉袁大相等煽誘三千餘人謀劫

倉庫與夏逢龍合有上變者公佯不省而陰役游擊趙永吉方
畧卽夜縛二渠魁鞠實斬以徇餘黨悉不問四境帖然于是條
列病民者十數事先奏除之然後緩征弛力通商惠工除豪猾
興學校政以大成會甯州宜春等十二州縣旱災疏請蠲緩又
言各省罪囚俱有支給口糧之例其起解囚徒應按每日五十
里爲一程每名日給升米于常平倉支給又言近奉諭旨每
歲終令巡撫察盤藩庫法至善也其糧驛二道庫請于每年奏
銷及離任日令藩司察盤至府庫宜責成道員察盤可永杜虧
挪弊又言近來漢軍外官解任裁缺者并其家口槩催歸旗旣
立限期復取經過地方官結狀逐程遞至竟與罪犯無殊請免

遞諸疏並下部議行。三十一年調江蘇巡撫去之日萬姓遮留兩位及抵任疏報江甯府屬之上元六合句容松江屬之上海鎮江屬之丹徒因山水陡發成災又疏報淮陽徐三屬二十餘州縣水災其田畝被淹者請破格全蠲額賦並請截漕米十萬石移江甯倉米三十萬石鳳陽倉麥六萬六千石分途散賑並得旨俞行前後賑饑民五百萬有奇

上嘗垂問閣臣以各直省巡撫賢否大學士伊桑阿奏送弊清廉爲天下巡撫最

上曰朕久知之三十八年春

聖祖南巡至蘇州賜

御衣冠及

御書懷抱清朗額又賜

額曰仁惠誠民公進所刻綿津詩集

上尋論近臣曰居官如大學士吳璵總督張鵬翮巡撫宋鼎朕
可以無憂四十二年春

上再南巡諭嘉公居官安靜和平深得大臣之體公而奏云
昔宋臣范成大蒙宋孝宗賜石湖二字後世傳爲美談在
不過南渡偏安之主我

皇上乃堯舜之君相去霄壤臣功業雖不及成大然
逢之盛

不啻過之臣家有別業在城西陂乞賜書西陂二字

上領之時諸臣競進求書公奏曰臣老矣以齒當先賜臣

上大笑走筆作西陂二大字

賜公少選

命侍衛取入重書